



Dómsmálaráðuneytið
Sölvhólsgötu 7
101 Reykjavík

Umsögn um drög að reglugerð um sprengiefni og forefni til
sprengjugarðar

Akureyri, 17.04.2018

Síða: 1/1

Lögreglustjórinn á Norðurlandi eystra vill koma á framfæri eftirfarandi
athugasemdum við frumvarpsdrögin:

Lögreglan á
Norðurlandi eystra

Pórunnarstræti 138
600 Akureyri
Kt. 670814 0410

Sími 444 2800
urland.eystra@logreglan.is

www.logreglan.is

1. Í 2. mgr. 42. gr., er kveðið á um að þrátt fyrir ákvæði 1. mgr. [sömu greinar], geti lögreglustjórinn á höfuðborgarsvæðinu veitt almennum borgurum leyfi til að flytja inn, hafa í vörslum sínum, nota eða fá aðgengi að forefni sem sætir takmörkunum.

Lögreglustjórinn á Norðurlandi eystra telur að rétt sé að bundið verði í reglugerð að lögreglustjóranum á höfuðborgarsvæðinu verði gert að upplýsa lögreglustjóra og slökkviliðsstjóra, í því umdæmi sem leyfi tekur til, um útgáfu leyfisins. Mikilvæg öryggissjónarmið standa til þess að lögreglustjórar og slökkviliðsstjórar, í hverju umdæmi fyrir sig, séu upplýstir um hverjir hafi leyfi til að flytja inn, hafa í vörslum sínum, nota eða frá aðgengi að forefnum sem sæta takmörkunum í viðkomandi umdæmi.

2. Þá er spurning hvort nauðsynlegt sé að skilgreina sérstaklega sprengiefnageymslur í möstrum til snjóflóðavarna og hvort slíkar sprengiefnageymslur falli undir sprengiefnageymslu í 3. flokki, sbr. 1. mgr. 14. gr. Slíkar sprengiefnageymslur gætu hvort heldur sem er verið á forræði bæjarfélaga eða einkaaðila (t.d. rekstraraðila skíðasvæða). Þessi athugasemd er sett fram af tilefni þess að lögreglustjóra hefur borist fyrirspurn um slíkar sprengiefnageymslur og að fyrirhugað sé að setja upp slíkan búnað á skíðasvæði við Akureyri næsta vetur. Fyrirsjáanlegt er að slíkum búnaði verði komið fyrir á fleiri skíðasvæðum í framtíðinni, og jafnvel á fleiri svæðum þar sem hætta getur verið á snjóflóðum.

F.h. lögreglustjórans á Norðurlandi eystra


